



JABATAN Perikanan belum terima laporan kegiatan bom ikan di Sungai Kampar. Gambar kecil, antara ikan yang ditunjukkan.

## Belum ada laporan kegiatan bom ikan

HM 13/04/24 M/S 18

**Kampar:** Jabatan Perikanan Negeri Perak belum menerima laporan berhubung kegiatan bom ikan yang tular didakwa berlaku di Sungai Kampar, dekat Gopeng di sini.

Pengarah Perikanan Perak, Mohd Ghazali A Manap berkata, pihaknya sangsi terhadap dakwaan video tular itu berikutan tidak secara jelas memaparkan kesan ikan dibom.

"Kami tak nampak kes bom ikan. Kalau bom biasa mata ikan tersembul keluar. Kalau kata banyak terapung mana gambarnya, bukti ikan mati terapung, sedangkan rakaman video itu sekadar memaparkan gambar ikan kena pancing.

"Jika sekadar video pendek kita tak boleh nak buat rumusan. Ikan itu (yang dipapar) dalam video pun nampak cantik dan tiada kesan luaran seperti kena bom," katanya ketika dihubungi semalam.

Menurutnya, pihaknya

berharap mana-mana pihak yang mempunyai rakaman penuh berhubung kegiatan itu tampil kepada pihaknya bagi tindakan susulan.

Mohd Ghazali ditanya reaksi terhadap satu video berdurasi 34 saat yang dimuat naik pengguna Facebook dipercayai pencipta kandungan berasaskan aktiviti memancing semalam menyatakan aktiviti bom ikan itu menyebabkan banyak ikan antaranya jenis lampam dan baung mati dihanyutkan arus sungai.

Berdasarkan keterangan pada hantaran video terbabit, kejadian yang diktakan kira-kira jam 10 pagi itu dilakukan oleh sekumpulan remaja.

Sementara itu, Ketua Polis Daerah Kampar, Superintendan Mohamad Nazri Daud juga ketika dihubungi hari ini berkata, pihaknya juga sehingga kini masih belum menerima laporan berkaitan kejadian bom ikan itu.